



Inatsisartuni ilaasortaq  
Jens Kristian Therkelsen

## **Ummannami eqqakkanik ikuallaasarneq pillugu § 37 naapertorlugu apeqquteqaammut nr. 126-2022-mut akissut**

Asasara Jens Kristian Therkelsen

Inatsisartut Suleriaasianni § 37, imm. 1 naapertorlugu Ummannami eqqakkanik ikuallaasarneq pillugu Naalakkersuisunut apeqquteqaateqarputit. Apeqqutitit uannit akisassanngorlugit innersuunneqarput

### **1. Ummannami eqqagassat isumagineqannginnerat pissutigalugu niugiarpasuit inunnt ajornartorsiutaalersut qaangerniarlugit, eqqagassat ikuallanneqarnissaat siunertaralugu Naalakkersuisut akuersissummik tunisissamaarpat?**

**Akissut:** Eqqagassalerineq kommunip akisussaaffigaa. Kommunimi najugaqarfinni tamani isumannaatsumik eqqagassalerisoqarnissaa kommunit akisussaaffigaa.

Naalakkersuisunit Avannaata Kommuniata ammaannartumi ikuallaasarnissamut immikkut ittumik akuersissutaagallartumik qinnuteqaataa suliarineqarpoq, aammalu tamanna pillugu kommuni ingerlaavartumik oqaloqatigalugu. Naalakkersuisoqarfimmiit aamma piumasagaatit, siornatigut immikkut ittumik akuersissutaasunut attuumassuteqartut malinnaaffigineqarput. Immikkut ittumik akuersissutini ilaatigut kommunip piffissami immikkut ittumik akuersissuteqarfiusumi eqqagassalerinermi aaqiissutissanik naammattunik pilersitsiniarluni suliniuteqarnissaa piumasagaatigineqarpoq. Naalakkersuisuniit ammaannartumi ikuallaasarneq siunissamut ungasissumut aaqiissutissatut naammattutut isigineqanngilaq.

### **2. Suna pissutigalugu maannamut akuersissummik tunniussiumasoqartanngila, nalunagu ikuallaavitsigut aaqiissuteqarsimaneq naammaginangereersoq?**

**Akissut:** Naalakkersuisut Avannaata Kommunianit qinnuteqaat suliarineqarpoq aammalu kommuni oqaloqatigineqarluni. Aammattaaq apeqqut 1-imut akissut takuuk.

Allakkat ulluat: 16-06-2022  
Suliap normua: 2022 - 12809  
Allagaatip ilisarnaataa:  
20419078

Postboks 1614  
3900 Nuuk  
Oqarasuaat: (+299) 34 50 00  
Fax: (+299) 34 54 10  
E-mail: pan@nanoq.gl  
www.naalakkersuisut.gl

**3. Pisariaqartutigut ikuallaasarnissaq siunissami Naalackersuisunut qinnuteqaatigineqartariaqarnera attanniarneqarpa aamma piffissap aalajangersimasup iluani akuersissutitaqanngitsumik ikuallaasarnikkut ingerlatsisoqarallartoqarsinnaava?**

**a. Ajornassappat suna tunngavilersuutigalugu?**

**b. Akuersissutitaqanngikkallartumik ingerlatsigallarsinnaaneq qanoq sivisutigisumik Naalackersuisut attanneqarsinnaasoraat?**

**Akissut:** Inatsit naapertorlugu ammaannartumi ikuallaanissamut immikkut ittumik akuersissuteqartoqarnissaa piumasarineqarpoq, eqqakkat ikuallanneqarsinnaasut tunngaviusumik taamaallaat ikuallaavimmi ikuallanneqarsinnaammata. Taamaattumik piffissat ilaanni akuersissutitaqanngitsumik ikuallaasinnaaneq periarfissatut isigineqanngilaq.

Erseqqissaatigissavara, ukioq manna ESANI A/S Avatangiisinut Aningaasaateqarfik aqutigalugu “eqqagassalerilluni angalanissanut” aningaasaliiffigineqarmat, tassanilu kommunit tamarmik aasaanerani eqqakkanik poortukkanik aallerfigineqarnissamut neqeroorfigineqarsimammata, taakkunungalugu Avannaata Kommunia ilaatinneqarpoq. Aamma Avannaata Kommuniata periarfissaq taanna atussagaa neriuutigaara.

Inussiarnersumik inuulluaqqusillunga

  
Kalistat Lund